

7-18



Michael Mexelburg.

M. IX. 78.

Om
da
Am
lega

DISPUTATIO
SOLLENNIS

Quam
Ita exigentibus Statutis
cum Consensu

MAGNIFICI DN: RECTO:

RIS Amplissimiq; Academia
Senatus

DE

MORBO HÆRE-
DITARIO

Pro
Loco Tertio Professionis Medica
Ordinarie Suscipiendo in publi-
cum producitur.

JOHANNES BARTHOLOMÆVS

CRÜGER Medic: Lic: Facult:
Adjunctus.

Respondente

JOHANNES DIPELIO, HERVORDIA
WESTPHALO.

In Auditorio Majori

d. 30. May horis ante & pomeridianis

REGIOMONTI
Typis LAURENTII JEGEBADII
ANNO 1636.

VIRIS
**MAGNIFICIS, GENE-
ROSO AC NOBILISSIMO
GENERE CON-
SPICUIS**

*Serenissimi Electoris Brandenburgici consiliarijs
supremis Prussia Ducatus Regentibus,
meritissimis*

**Domino ANDREÆ à Kreichen
Supremo Præsidi**

**Dn: IOHANNI EBERHARDO à Tettaw
Burggrabio**

**Dn: IOHANNI GEORGIO à Saucken
Cancellario**

**Dn: A HASVERO à Brand
Archimarschallo**

*Dominis, ac magnis Mecenatibus, Promotoribus,
suis exiguu hocce testimonio observantiam
ac debitum cultum demonstrare
voluit*

**Johannes Bartholomæus Crüger
Med: Lic:**

IN NOMINE CRUCIFIXI

THESIS I.



Morbus hereditarius est dispositio
ladens actionem, cum semine
parentum certo aliquo caractere
signato mediantibus scilicet spiritibus,
in liberos propagatus, quo instrumento natura
utitur ut natos parentibus gignat similes.

2.

Morbum suo modo posse dici Ens, neque sim-
plicem Saltem privationem, extra dubium esse puto.
Nam 1. est in certo predicamento, nimirum qualitatis.
2. Est autem suis causis positivis in actum deducendus,
autem quibus etiam fovetur 3. Habet suas differentias,
Privationis autem simplicis nulla est differentia,
quod impossibile sit, ut species ejus sit, quod non
est Docente Aristotele: 1. 1. de part. anim. c. 3.

3.

Hinc etiam morbus habet bonitatem transcen-
dentalem seu metaphysicam, quatenus ens est: Imprimis
a ratione causa intueamur. Nam calidum, fu-
gidum &c. habent formam, suas operationes, suamque
adeo bonitatem, & exsuperantia qualitarum boni-
tatem illam essentialem tollere non potest; imò illæ
qualitates agunt propter finem ut sibi simile red-
dant patiens. Sed & in quibusdam ejusdem gra-
dus qualitas sanitatis, in alijs morbi causa esse po-
test. Idque non solum in primis qualitatibus, sed & re-
liquis, quia omnia dicenda ad aliquid, prout accu-
ratè probat Galenus l. 3. de simpl. med. Fac: c. 6. c. 18.
19. & alibi.

A 2

4. Hæc

4.
Hæc ideo probata dedimus, ne forsan dum morbi seminia statueremus, nimis spiritus caractere signatos, ut postea explicabimus, mali substantiam quandam statuere videamur. Interdum n. etiam cum substantia denominatur morbus. Sic *Galenus* περὶ διαφορῶν τῶν νοσημάτων: κατὰ δὲ τὴν ἀρεθμὸν, inquit τῶν ἀπὸ τῶν μορίων, ἐξ ὧν ἐκστὴν τῶν μορίων συνίσταται, διτταὶ μὲν αἱ πρῶται διαφοραὶ τῶν νοσημάτων γενήσονται, ἑλλείπονός τε πρὸς μέρος, ἢ περιττεύοντες, hujus exemplum affert, ἐκτὸς δάκτυλος, ἐν ὁφθαλμῷ περιύριον. Ibi Sanè non substantia est ipse morbus, sed dispositio lædens actionem ob substantiæ præsentiam.

5.
Equidem hic dubitare quis posset, an morbus quatenus distinguitur à causa, & symptomate, sit ens aliquod reale, nimis: quia lædit actionem, actio autem, læsa est privatio actionis perfectæ? At hic accurate distinguendum inter prædicatum abstractum & concretum, quod inculcat *Aristoteles* categor. d. contrariis, ubi inquit: Privare autem re, & habere rem, non idem est quod privatio & habitus, quoniam habitus est aspectus, privatio cæcitas. Nec habere oculos, est ipse aspectus, nec cæcum esse ipsa cæcitas. Nam privatio quadam est cæcitas, at cæcum esse, est privatum esse, non privatio.

6.
Cum probatissimis igitur Medicis statuimus morbum esse in prædicamento qualitatis, adeoque etiam morbo hæreditario dispositionem Genus assignavimus. Ibi statim alia se nobis offert controversia: an nimis potius ad habitum, quam ad dispositionem sit referendus? Ansam præbere videtur *Merca-*

ius de morb: Hæred: tract: p. 672. ubi scribit: Ha-
bent Hæreditarij affectus id proprium, & peculiare
quod etiam si ex alijs morbis quidam sunt in habi-
tu, & reliqui in dispositione, hi v. semper sunt in
habitu, & fixatione adeo permanente ut ipsa sanitas.

7.

Ad v. facilis est conciliatio 1. Explicando vo-
cem διαθέσεως ejusq; acceptionem. 2. Distingvendo
inter actum primum & secundum. Notum est διά-
θεσις sumi vel simpliciter, vel respectivè: Simpliciter
accepta saltem denotat istam dispositionem, qua al-
iquid disponitur ad bonum, vel malum, quâ ratione
Aristot: 4. metaph: c. 20. Habitum ipsum disposi-
tionem dicit vide Daniel: Sennert: l. 2. Instit: p. 1.
c. 2. p. m. 140. Respectivè ad habitum Medicis non
accipitur nisi forsâ γενικὸς ἐκτικὸς opponitur morbo.
Deinde notum est, Medicos esse philosophos sen-
suales, adeoq; morbum determinare ab actu secun-
do, & ab existentia. Hinc in habitu potest hic esse
morbus, non habitus: vel si habitus, ratione actus
primi, non secundi.

8.

Benè monet Capivaccius l. 2. Pract: c. 1. quom
morbi natura consistat in eo, ut ejus ratione laxatur
operatio, ea etiam, quæ ad operationem necessaria
sunt, hic esse attendenda, nîm: Faciliatē, quæ
concurrit V T Q V O. Alterum suppositum, quod
concurrit V T Q V O D. Tercium instrumentum,
quod gratia operationis concurrit C V M Q V O.
Ideoq; in hoc morbo ea etiam examinanda. spiritus
in quibus ab ortu character impressus, quod postea
monstrabimus, in concreto, quippe immediatum

A 3

sunt

sunt Facultatis organon, pro Facultate accipiemus.
Suppositum ponimus fatum. Instrumentum poni-
mus id membrum quod hereditarie vizio laborat.

9.

In semine existere characterem illum morbi
traducem, nulla est controversia, ideoq; diximus
in definitione: Cum semine parentum certo cha-
ractere signato. Semen autem habet partes duas, ut
loqui videtur *Aristoteles de gener. anim: l. 2 c. 2. nim:*
spiritum, & aquam: Et spiritum esse partem princi-
pem nemo negat, hinc antiqui, DEam q. rei vene-
rez praeit, ab ea facultate, quia spumofum semen
est, nominarunt, inquit ibid: *Aristot.*

10.

Spirituosum, ut in alijs ita etiam in hoc tra-
duce primas sibi vindicare statuimus. 1. quia medi-
ante spiritinosa substantia semen est id, quod est quam-
primum enim semen aëris expositum liquescit, in-
fecundum redditur. Hinc impossibile est ut semen
virile in balneo emissum ab utero matris detraha-
tur, ac prolificum fiat, ut bene monet *Andreas Lau-
rent: contra Averroem oper: anat. controvers: 23.*
Ut ergo se habet actus generationis, ita & traducti-
onis, quod ulterius probatur 2. Vbi est virtus forma-
rix, ibi etiam characteris traductio. Ratio consequen-
tiz est, quia vis *πλαστική* imprimit materiae figuram
& formam. Atqui in spiritibus est E. 3. semen est
ἀπὸ πνεύματος ex toto corpore non ratione materiae corpo-
reae crassa, id n. dudum invictissimis argumentis impro-
bavit *Aristoteles de generat: anim: l. 1. c. 18. & c. 21.*
Ergo ratione spirituum, ex quorum defectu scythaë
fectis post aures Venis infecundi redditi sunt, ut
docet *Hippocr: l. de aere, eq. & loc: plura argumenta*
omittimus.

II. Huic

11.

Huic nostræ sententiæ verò suffragium ferre videtur, exemplum eorum quibus pars aliqua amputata est, ubi sæpius imaginatio ita vitiatur, ut credant partem non esse amputatam. Ratio istius hæc est: quandoquidem spiritus sensificus per nervos fluens, sensum istum istius partis amputatæ, inquam infuere solitus erat, repræsentat, sed quia ulterius progredi non licet, à trunco ad sensum communem reflectitur, atque ibi falsa imaginatio, ut doctè differt *Guilhelm: Fabr: Hildanus cent: 3. obs: 15.*

12.

Jam si hoc potest procedere in spiritibus influentibus, multò magis locum habebit in spiritibus insitis, qui istis sustentantur. Sicut enim spiritus influentes determinantur ad conditionem spirituum insitorum, ut eos foveant: Ita spiritus insiti proportionati sunt proximè ad partis, cujus calidum nativum ingrediuntur, *συμμετρίαν*. Ipsa namque natura indigitat spiritus hos insitos multis influentibus sustentari, dum duas arterias umbilicales, unam saltem venam efficit,

13.

Facit pro hac nostra sententia etiam Autoritas. *Ludovicus Mercatus de morbu heredi*: Similis, inquit, delineatio ob calorem & spiritum in semine implantatum, qui cum instrumentum sit formativæ facultatis, informatus structuræ parentis similem (nî præpediatur) delineabit in genito. *Hercules Saxoniæ Præst: Med: l. 4. c. 30.* Ex membris præcipuis fluit ad testes vasque seminaria. spiritus animalis, vitalis, naturalis. Item Ad imprimendum imaginem foetu jam facto, necessarium est primùm imprimi in spiritum, secundo in sanguinem, qui accedit ad nutritionem foetus,

14. Si

Si nimirum character quidam inhæreat in spiritu, is etiam parti communicabitur, cujus spiritus eo inquinamento est contaminatus: Et prout character se habet, pro eo etiam morbus parti communicabitur, jam igitur de characteris naturâ aliquid dicendum erit.

Spiritus characterem seu inquinamentum quoddam contrahere posse extra conversam est: Sic etiam id patet de infirmitatibus, ita dicit *Clariss. Sennertus*, in melancholia spiritus melancholicos i.e. obscuros, opacos, & tenebricosos fieri *l. 1. Praxi part: 2. c. 8.* id quod ipse seq: p. Explicat, Scilicet: quod firma, fixa ac imprecia imago spiritibus cerebri infirmitas sit proxima causa melancholiz. Hoc fieri potest; Sanè etiam aliud vitium in spiritibus seminis infirmitas esse posset.

Variè id ab Autoribus nominatur, *Mercatus* modo characterem, modo sigillum, modo sigillationem. *Hercules Saxoni præf. Med: l. 4. c. 30.* Imaginem quandam statuere videtur. *Paracelsus seminum, Severinum tincturam*, alij forsitan aliter indignant.

Quivis nomet pro libitu: nobis certum est, characterem illum quatenus malus est, non esse substantiam, vehiculum tamen & subiectum ex substantiz serie non esse excludendum, quippe simile ferè quid accidere videmus in seminibus peccentalibus, de quibus consuli possunt *Fel: Plat: Fernel: de abd: rer: caus: Sennertus de febr: & alij.* Alias tincturam & seminum malum si simpliciter pro substantia acciperentur refutantur à *Daniele Sennerto de cons: & dissens: c. 16, ex Augustino l. 5, Confess: c. 10.* 15. Cha-

Characteris appellationem melioris doctrinae gratia retinebimus. Atque ut res dilucidius proponatur, cum *characterem* statuemus duplicem nimirum: simplicem, ac cum certa dispositione seminis E. G. Spiritus, ut instrumentum est formativae facultatis, in se expressam habet ideam membrorum conformandorum, & ita singuli membri spiritus proprius ad ejus compositionem tendit, is si habeat in se *characterem* membri non recte formati in parente, vel abundantis vel non recte compositi, istum etiam *characterem* transfundet in foetum. Si jam huic characteri suo modo perfecto alius tamen *character* apponatur q. extrinsecus adveniens, E. G. quando Renibus satis formatis vis λιθοποιητική, pulmonibus seminum phthisicos, sanguini totique corpori inquinamentum luis venereae imprimatur cum aliud superveniens *character* *characteris* melioris distinctionis gratia appellabitur.

Hic duae jucundissimae occurrere poterunt quaestiones 1. Cur morbi hereditarii in prima aetate non statim semper appareant? 2. Cur quandoque non deriventur in prolem sed in nepotes? exemplum affert Aristot. de generat. anim. l. 1. c. 18. quod analogia quadam ad morbos traduci potest. Et hinc, inquit, quae cum aethiope concubuerat, non filiam forma aethiopis peperit, sed natus ex filia erat aethiops. Sic saepe accidit ut podagricus, filiam vel filium habeat non podagricum, nepos v. ejusdem sit obnoxius.

Quoad primū, fieri id posse videtur vel ratione impressionis vel ratione expansionis. Interdum evenit

ut seminium parentis sit caractere pravo insigni-
tum, accedat v. semen & sanguis matris quæ sine
benigna, ibi omnino impressio tam fortis fieri non
potest, sed pro dominio accedentis occultatur ac
quodammodo debilitatur ejus *évèpyeia*. Ratione ex-
pansionis etiam num resistere poterit balsamus na-
turalis fortior, ne statim character sibi viresumat
cundo.

21.

Vbi sanè singularis humorum dispositio conside-
randacti, imò & *aptitudo subjecti ad suscipiendū morbi
paroxysmum*. Sic epilepsiz & arthridis imò & apō-
plexiz character in natos eodem traducis modo
propagatur, illa ut plurimum in prima statim ætate
se exserit. Arthritidis non facile prius quam vene-
rem expertus sit, ut loquitur *Hippocr: aphor: 30. l. 6.*
Apoplexia maxime à quadragesimo anno ad sexa-
gesimum *docente eodem aphor: 57. ejusdem secti*

22.

Humores naturales ac temperamenti bonita-
tem multum hic facere certum esse putamus, nam
quum ad singulum agens requiratur ad patientem
& analogia & contrarietas si actio fieri debeat,
omnino ex temperamenti, ratione prædominantis
Paternæ vel maternæ bonitatis, improporcionata
ad characterem istum, harmonia non ita facile ser-
pere ac sibi simile reddere patiens poterit. *Mercatus*
humores quoq; excrementitios aliquid conferre
posse statuere videtur, quod q. obfuscant caracte-
rem, hinc in traductione impedienda purgationes
sudores, improbat, quod qua ratione accipien-
dum pectrà dicemus.

23. Alteram

Alteram quæstionem quod concernit, ex modo dictis maximam partem elucescit, nimirum: parentum semina diversa, diversum, quoque posse facere effectum. Addi tamen possunt & alia. Nimirum: Vitium illud non semper ita esse radicatum sed saltem in humoribus versari interim debilitatem membri alicujus nihilominus propagari, hinc in correctione humorum in filio non fieri decubitus, qui tamen non correctis ijs ad imbecilles articulos statim tendit in nepotibus. Si vero pars sigillationem suam habeat in modo substantiæ fixam, vix ita in filiis totaliter obscurari poterit. Accedere poterit educatio & consuetudo. Sic vitium aliquod consuetudine in filio supprimi potest, quod non accurata habitudo ejus ratione in nepotibus iterum elucere poterit, quod in vitij conformationis observare est. Interdum etiam vitium quod antea saltem leviter idolum sanguinis impresserat, radicale evadit, qua ratione nonnunquam vitia consuetudinis in hereditaria abire consueverunt. Forsan et, aliquid faciet constellatio.

Quod si jam secundum causas, definitionem nostram examinare libeat, conspicuum est, quod morbus, quia accidens est, non tam habeat materiam ex qua, quam in qua: eam statimus spirituosam seminis substantiam, eam seminum & tincturam quandam referre non absurde dixerimus, ita namque invicem uniuntur ut character ille ipsis ferè naturalis videatur, ut sanitas ipsa.

Forma rationem obtinere poteris determinatū illud indicibile principium quo disponuntur membraviventia ad actionem peculiariter laxam vel laxandam

26.

Efficiens est proxima Imago seu character qui disponit, qui in spiritibus impressus per traducem foetus communicatur. Remota causa est Idea in parentis membro, quæ semini communicatur. Adjuvans causa in morbis contagiosis potest esse conversatio cum ijs qui simili labe aspersi sunt: in alijs morbis inordinati motus, item Venus, animi affectus &c.

27.

Finis ratione subjecti, nimirum perfectionis hominis, planè nullus est quum non sit perfectio sed destructio potius, interim ratione efficientis est, ut fiat assimilatio agentis ad patientem, nam causa activa conatur sibi simile reddere patientem, scilicet quæ principium actionis in se habet. Natura verò illud semper sibi habet propositum, ut ad eam quam materia recipere apta est perfectionem deducat, ideoque hunc etiam conatum, qui jam ingentis ac huic individuo quasi naturalis, non impedit.

28.

Jam ergo ad divisionem morborum hæreditariorum. Morbi illi ut alij omnes sese exerunt vel in corpore quæ mixtum, vel quæ organon vel denique utroque respectu, quam differentiam morborum Medici dicunt essentialem. Cæterum considerari etiam poterunt ratione invasionis & terminationis, unde aliqui acuti alij leni dicuntur. Vel ratione contaminationis, unde alij contagiosi dicuntur, alij sine contagio. &c.

29.

Qui sine contagio sunt habent characterem vel simplicem, cujusmodi sunt morbi externi in excessu vel defectu scilicet in numero, magnitudine, figura, situ vel character.

characterem characteris nim: impressam quandam morbi ut ita dicam, materiam seu tincturam h. e. spiritus cateroqui ideâ ratione conformationis membri perfectos. impragnatos tamen vel caractere intemperie vel vitij qualitatis alius; hinc alicui â natura hepaticum contingit, sic aer in aure innatus non ita purus est, lucidum in oculo quibusdam non ita limpidum: Sic ventriculus â primo ortu ita vitiatum est ut humores, non bene concoquendo, non recte etiam segreget, vel componat, vel archeum concretionis, qui in cibus est non satis dissipet. Hepar ποινή peculiarē adjuvat. Sic membra quædam debilia naturæ sigillum etiam habent peculiare, quo E. G. λιθοποιητικήν promouent.

30.

Hinc videmus eos qui eodem utuntur cibo & potu, ipsdemq; laboribus ac vitæ genere eodem, alios sanos existere, alios calculo, podagra infestari. Sæpe quoq; accidit ut aliquis character delitescens fermenti modo inquinet humorem vel vaporem aliquem peculiariter, ut ad certum membrum sua sponte tendat ac insultum excitet E. G. Epilepticum.

31.

Signa morborum hæreditariorum etiam nunc perspicienda, & diagnostica & prognostica. Illa non usq; adeo indaganda videntur quum ex duplici fonte haberi possint, nim: ex ipso parente tum etiam ex ipsis circumstantijs in nato. Interim ex parentis constitutione id emergit, ut semper præcautione opus esse sciamus ne in similem filius affectum inclinet ejuscunq; sit conditionis morbus, qui propagari solet,

Prognostica signa quod concernit. *Arnaldus Villanovanus* parat: *Med: c. 19. aphor: 8.* Hæreditariæ, inquit passionēs inextirpabilis sunt radicis, & sufficit ne pullulent in deterius, convenienti regimine prohibere. Interim in *explicatione ejusdem aphorismi* Sicut, inquit Podagricus generat filium, & talis filius efficitur podagricus post triginta vel quadraginta annos. Talis podagra est morbus hæreditarius, quia in semine hæreditabit; quia semen emanabit à membris podagram patientibus, quia talis filius dispositus est ad patiendum podagram facillime. Sed tamen quod necessariò incurrat podagram non est credendum, & si incurrat, quod necessariò talis podagra sit inextirpabilis, absit! Sed tamen majori cum difficultate extirpatur, quam si non fuisset podagricus,

Reinerus Solenander consil: *Med. cons: 11.* Ab hujusmodi, scil: morbi: hæreditari: aliquo qualicunq; morbo, nemo est qui se perfecte liberare possit, licet diligentia ac accurata vivendi ratione tantum possit quisq; consequi, ut & in publicis & in privatis negotijs superesse & satisfacere possit. Quanquam ergo totalis morbi profligatio & eradicatio promittitur vix possit, tentanda tamen ea sunt, quæ possibilia,

In ipso verò curationis limine attendendum quod habet *Galenus* l. 2. m. m. c. 6. quod vel ad vires, vel ad causam, vel ad affectum vel ad id quod per sanitatem semper est observatum, referri judicium oporteat. Ex quo forsan fundamento *Mercatus*

tract: de morb: hared: hanc efficit conclusionem,
morbos hæreditarios alios simpliciter esse incurabi-
les, alios curabiles, alios partim curabiles partim
incurabiles. Nim: ij qui per sanitatem semper ob-
servantur, sunt incurabiles. E. G. hepar ab ortu
calidius. & ij ita tractandi sunt ut habet *Galenus*
meth: med: l. 7. c. 13. ubi Quæcunq; inquit, calidio-
res sunt natura partes si ex frigore laborent, hæ li-
beralius ac diutius calescere possunt; Contrà quæ
calidior naturâ est pars, si calido morbo laborat,
exigua brevisq; temporis refrigeratione indiget.
Vide etiam *Danielem Sennertum Instit: lib: 4. part. 2.*
c. 6. Ubi q. explicare hunc locum videtur.

35.

Ad causam & affectum refertur judicium hoc
modo. Vt si causa hæreat in membro quodam prin-
cipe, affectus tamen potissimum communicetur
massæ sanguineæ, cum sit morbus partim curabilis,
partim incurabilis; si verò character & radices
saltem stabulentur in sanguine & humoribus, tum
plane est curabilis.

36.

Exemplum insigne adfert *Mercatus sapè c. l.*
Si, inquit, Pater gallico characterè insignitum ha-
bet jecur, jecur quoq; filij eodem insignitur, & ta-
les filij ad tempus curantur, cæterum paulo post
iterum relabuntur in unam aut alteram ex gallicis
affectionibus; At si Gallica affectione in matre filius
hæreditarium onus portaverit ut majori ex parte
ex alimento intra uterum matris suscepto affectio
prodit, ita extra uterum alimentis, maxime alexi-
pharmacis, illius affectionis modus substantiæ cæ-
labe infectus emendari potest.

37. Cura-

37.

Curatio verò institui potest vel ratione *subiecti* patientis, vel ratione *posterorum*; quæ ratione jam dictarum differentiarum varianda, ita ut observentur indicationes & fontes, *Præservatoria* Indicatio vel in ipso *factu* administratur; vel in parentibus vel, quod non incommode addendum videtur, etiam in *nutricibus*.

38.

Ratione *Indicationis* *præservatoria* quæ instituitur in parentibus, usitati quoque observantur fontes Medici, Quoniam v. Medici Intentio hac in parte est præcavere ne labes traducatur, fontem etiam peculiarem addere licebit, qui ex physico-politica desumptus, copulam *maris ac femine* indigitat, nimirum fontem *connubij*.

39.

Mercatus equidem usitatos illōs fontes, *pharmacenticum & chirurgicum* excludere videtur dum inquit: Nil vulgatius apud Medicos, non mediocris eruditionis, reperies quam Medicamentis aliisque artis auxilijs corpus mundum & evacuatum reddere, quod sane opus potius turbare corpus natum existit, & periculo plenum. Rationem paulo post affert, quia character & sigillationes innatæ non magis, medicamentis & artis auxilijs cedent quam quæ nobis secundum naturam existunt.

40.

Imò illud præsupponit *Mercatus*, quo puriora sunt corpora, & ab excrementis, seu exspurcitia humorum libera, quod eo certius sibi similem parens generabit foetum. contrā si corpus caractere affectum humoribus sibi alienis & excrementis abunda-

abund
ratoru
facult
minus
nores.

In
Nim
ganit
oppon
tiosos
figill
cump

non s
etiam
in fac
cornu
malu
videa
Later
Hinc
nime
ac 2.
muni

char
cet
flux
les
nem

abundaverit, quod tanto magis dissimilem generaturus sit prolem: quia ibi nihil est quod turpet facultatem formativam, ne materiam vitiet, quo minus similis producatur fetus. Hic a. sunt honores.

41.

In totum tamen illud concedere vix possumus. Nimirum illud facile Largimur, characterem purgantibus tolli minimè posse, quippe, quatali, non opponitur purgatio. Interim certum est, etiam vitiosos humores facillime speciem quandam istius sigilli suscipere, atq; in ijs actum secundum procumpere.

42.

Jam quum, ut ait *Aristot. de gen. anim. l. 1. c. 12.* non solum semen sit quod exit in generatione, sed etiam alix permixtæ facultates cum eo secedant quæ insatubres sunt. Omnino etiam ex Scrofi humoris comunicata specie ex characterem naturali suscepta, malum magis communicari poterit, imprimis cum videamus, quod vena spermatica emulgenti sinistri Lateris inseratur. Datur a, cujusvis humoris serum. Hinc duplex existere poterit operandi principium, nim: 1. character in spirituosâ seminis substantia, ac 2. species seu, ut loquitur *Aristot.* Facultas comunicata humori excrementitio.

43.

Ipse quoq; *Mercatus* concedit, eos morbos qui characterem habent in humoribus impressum, licet difficulter curentur propter reversiones & defluxiones quæ in varias partes transferunt, curabiles tamen esse, nam & evacuationes & renutritionem admittit.

C

44. Cx.

Ceterum illud quoque non inficiamur, purgantia non debere esse fortiora, nimisve violenta, quæ scilicet toti massæ sanguineæ malum facilius communicare poterunt, ac sopitum quod excitare, sed vel eccoprotica, vel leniter purgantia, admittis semper ijs quæ membrum, cujus vitium metuitur, confortant, ac peculiariter malo vires infringere nata sunt. *Ex fonte chirurgico* Venam quoque in corpore plethorico, ubi natura sanguinem regere non potest, ut secundum *Hippocratem 3. aphor: l. 1.* nihil sit reliquum, quàm ut in deterius Labatur, si quis aperuerit, non malè nostro quidem iudicio fecerit, & quidem aperietur vena potissimum in parte corporis superiore ne *μίασις* cum sanguine ad uterum & testes derivetur.

Interim *fontis dietetici* ea subministrabit, quæ ebullitioni istius inquinamētis obviam ire poterūt, & quidem in contrarium quantum fieri potest, inclinandum, ut tamen si ipsum charactere ex membro affecto plane tollere nequeamus sanguinem tamen & spiritus ita disponamus ne ita prompte character ille ipsis, ut ita loquar, habitualiter imprimatur, atque ita contrarietate ista præcaveatur ne sibi similem parens edat iterum

Quartum fontem addidimus, non ut novum quiddam in Medicinam introduceremus, sed ut præ-servationem melius declararem. Observanda igitur hac in re 1. Quod nunquam, ut loquitur *Mercatius*, *connatio jungi debent duo parentes ex eadem viciosa familia*

familia descendentes. 2. quod talis sit ducenda uxor,
qua temperie omnibusq. qualitatibus sit viro contraria.
3. Nobis addendum videtur uxor temperamento sibi
proprio non sit cacochymico ne labes illa facilius in
fomitem recipiatur. 4. Coniunctio maris & femine nō
instituitur cum effrāni aliquo ὁρμῶν, nam ista comō-
tio totam mali mineram movet, adeoq. foetui com-
municat, hinc Hippocr: Puer podagra non laborat
ante veneris usum, & Avicennas actum venereum
despumationem indigitare videtur. 5. Tempus ac
astrorum influxus attendendus, ne eo conceptio fiat
tempore, quod affectum talem vel talem inducere
astrologi prædicunt E. G. ij qui in interlunijs con-
cipiuntur & , eduntur, dicuntur fieri epileptici,
6. Tempus morbi; Eo tempore vix tentanda Venus
ubi morbus parentem affligit, ut in morbo gallico,
Scabie.

47.

Fætus ratione præservatio institui poterit, ut
statim ab ortu tale quid propinetur quod affectui
adversatur hæreditario, hinc est, ut ubi metus Epi-
lepsiæ, in more habeant positum, recens editis in-
fantulis exhibere aq. flor. tiliæ. Quia autem per
diætā hic multum possumus, ideoq. lac nutricis
ita poterimus quodammodo disponere, ut non
modo sit boni alimentii, sed etiam quodammodo ma-
lo decerter.

48.

Eligatur ergo nutritrix boni corporis habitus, qua-
que bona utatur victus ratione. Ea si forsantem-pore
lactationis iterum imprægnetur, statim ab opere
isto abigenda. A Veneris cogitationibus, quan-
tum fieri potest, imprimis si metus sit morbi gallici,

ab ira & iurgiis si metus sit epilepsiz plane sit immunis: Bibat de nodulo in quo sassafras, sarsaparilla, feniculum, Rad: & Sem: pruniz, &c. mecerata sint, Sed & illud observandum, ne sit morosa, sed infantem ita tractet, ne multum vagiat, siq; metus hæreditarij phryscos fascijs pectus non arctius constringat. Et sic in alijs.

49.

Et tale etiam est consilium *Mercati*, si præcautionis, inquit, gratia filios curare libuerit, ne filios quoq; suos eadem labe tordeant, id alimentis à teneris annis facito, & eo tempore appositis etiam parti præsidijs juxta naturam partis in qua scimus patrem torcularum esse. Quæ sane auxilia vel resolvant innatam parti substantiam, vel exsiccent, vel substantiæ humectent, velut affectus ipse futurus postulasset si actu extitisset. *Hæc Mercatus.*

50.

Ex jam dictis ferè jam patet cura etiam morbi hæreditarij seu *inductio curativa*. Considerantur enim morbi ejusmodi quatenus existunt, ut si ex patre characterem sortito vel morbo actu laborante filij nascantur actu quoq; afflicti, ut quando vari, surdi, mui, &c. procreantur, omnino id quod flexuosum est fascijs ad rectum deducendum, & alia vitia emendanda prout ars & affectus natura postulant, ita tamen ut lentius ac morosius, quàm in quovis alio affectu rem persequamur.

51.

Imprimis vero vitanda in cibo & potu. Item in conversatione, in affectibus corporis, in loco habitata-

habitationis, in aëre & reliquis rebus sex non naturalibus omnia quæ vel ansam huic malo, quod metuit, præbere poterunt. Sed & vires attendenda ne vel copia humorum, & ingestorum opprimantur, vel motu, defatigatione, evacuatione nimia &c. dissipentur. *In summâ, ijs omnibus danda opera, ut characterem simul oppugnare, naturam vero ita confirmare queamus, ut medicamentis & alimentis appropriata opem ferre ipsa possit. Quò indicationi etiam vitale satis fiat.*

Hæc sunt quæ levi stylo de morbo hæreditario proponere Libuit, noneum in finem ut sufficientissima fiat tractatio, ea n. disputationis limites excessisset, sed ut veritas saltem atq; aditus ad locum plenorem quandoq; tractationem præparetur.

PARADOXA PHYSICO MEDICA

r.

QVatuor à Medicis proponuntur Facultates ministræ: nim: *Attrahitrix*, *Retentrix*, *concoctrix*, *Expultrix*. Non male addenda videtur quam, *discrettricem* vel *secrettricem* quis nominare queat, idq; quia 1. *Ejus* formalis cōceptus ab alijs est distinctus 2. quia finis diversus. 3. quia operandi modus diversus 4. quia instrumenta diversa.

2. Huic

2.

Huic, nim: Quintæ Facultati ascribenda videntur fibræ obliquæ quæ aliàs retentrici ascribuntur, retinere n. istæ non possunt ut potius expellant prout ostendit *Fallopian. obs: anat. p. 442.* Retentrici v. substituenda valvulæ, rugæ, spincteres &c:

3.

Facultas hæc, quæ imprimis conspicua in ventriculo, si non rectè agat causa esse videtur, ob quam arthritis, calculus & id genus morbi oriuntur, dum n. non bona sit segregatio utilium ab inutilibus, minera tartari quæ in cibis etiam est, ut probat appositè *Theophr: Paracelsus tract: de morbis tartareis* non perfectè ad excrementa relegatur, sed non destructo concrescendi archeò hepar ac totam massam sanguinem permeat, ubi ad renes vel articulos, protrusa materia ad fixitatem ultrò tendit.

4.

Chorea S. viti, qualis affectus etiam ijs, qui à tarantula morfi sunt, accidit, à ratione humana vix causam continentem habet exploratam; si quid tamen in hac imbecillitate dicendum, videtur causa esse Ebullitio spirituum sicut enim videmus in ira, in gaudio, factà aliqua ebullitione corpus inordinatius moveri, ita etiam judicandum de hoc affectu.


5. Et

Et sanè Ejusmodi ebullitionem levi admistâ materia posse fieri, ostendit ipsa chymia, non secus enim ac videmus exterius, quando oleum vitrioli ad oleum tartari admiscetur, vel ubi acetum ad oculos canceri affunditur &c. maximam fieri ebullitionem, ut etiam destillatio sine igne in mensâ peragi possit. Quidni igitur idem procedere queat in spiritibus qui sunt per se subtilissimi & agilissimi, ubi materia occultæ qualitatis appellens facillime seie insinuasre ac ebullitionem insignem excitare poterit, ut & spiritus malignitatem magis magisq; q. fermentatione quadam contrahant, & corpus, nisi auxilium feraturè, miserè exagitent. In nostram ferè sententiam abire videtur Clarissimus *Jennertus Indit: 1. 2. p. 3. sect: 2. c. 4.* ubi inquit: Verùm ratiotinatione, ac imaginatione depravatâ in hunc insanum, & perversum saltandi affectum teruntur: quo forsan aliquid etiam facit humoris fervor, corpus stimulans, & quasi titillans Hactenus igitur de τῷ δῖον.

Causæ ὅτι quod attinet probari posse videtur quod ostendit I. Saltatio ipsa quæ omnino præsupponit spirituum concitationem, quale quid
videmus

videmus in gaudio &c. II. *ἡπαρμῆς*, scil: ut
habet *sennertus l.i. praxi p. 2. c. 17.* quando hoc
affectu laborantes virgines partes obscenas
ostendunt, crines sibi evellunt &c. ex *epipha-*
nio Ferdin: ἡπαρμῆς enim tanslatum est ab animalibus
concubitus appetentibus ad humores.
quod docet *Galenus comm: 1. aphor: 22 Hippocr:*
III. Ipsa cura, nim: Musica, quæ sistit spiritus ac
q. ad quietem consopit, hinc svadent Medici
in vigilijs susurros, gutturniorum stillicidia,
& Saulum commotum Musicâ Davidis fuisse
placatum in sacris legimus.

DEO TRIVNO SIT LAVS
ET PERENNIS
GLORIA



863

P.P.

IX. 18



863545 Bibliotheca 26.000,⁵
P.P. Camaldulensium in Bielany

Depozyt w Bibliotece Jagiellońskiej



06947

